

Հայաստանի բարի գալուս կը մաղքէ տարագիրներուն

ԽՄԲ.— «Սովետական Հայաստան» բարի գալուստի գրութիւններ կը հրատարակէ առենէ մը ի վեր, ականաւոր դէմքերու ստորագրութեամբ։ Ստորեւ՝ բանաստեղծ Աւ. Խահակեանի, ակադեմական Հրաչեայ Անառեանի, ժողովրդական նկարիչ Մ. Սարեանի նամակները (միւսները՝ յաջորդով)։—

ԲԱՐԻԳԱԼՈՒՄ ՄԵՐ ԹԱՆԿԱԳԻՆ ՀԱՐԱՁԱՏՆԵՐԻՆ

Արտասահմանից Հայերի Խ. Հայաստան վերադառնալու մասին ՍՍՌՄ ժողովրդական գործադարների խորհրդի որոշումը մեր բոլորի սրբառը լցնում է շատ մեծ ուրախութեամբ։ Անվերապահ խնդութեամբ ողջունում ենք այս նշանակալից ակտը։ Ոչ մի ազնիւ Հայ, բացի ցնծազին գնահատականից ուրիշ վերաբերմունք չի կարող ունենալ այս որոշման հանդէս։

Բննութիւնների, կոտորածերի և Հայրենիքից վտարումների հետեւանքով Հայ ժողովրդի կէսը ցրուած է երկրի երեսին, սակայն ոչ մի թշնամական ոյժ չի կարողացել մեռցնել Հայերի ազգային միասնութեան զգացումը, հանգցնել նըրաց սէրն ու կարօտը դէպի Հայրենիքը և վերըստին Հայրենիքում հաւաքուելու կենտրոնահակ ձգումն ու մտածումը։

Գաղութահայութեան Հայրենաբազ Հայեացքները Խ. Հայաստան են ուղղուած, ուր ապրում են և աշխատում իր արիւնակից եղբայրները։ Թափառական Հայ բազմութիւններն մի անպարտելի տենչանք ունեն — օր առաջ թողնել օտար երկիրները, ուր նրանք մաշում են իրենց կեանքը և գալ Հայրենիք, միանալ իրենց եղբայրներին, միասին աշխատել ու կառուցանել, իմաստաւորել իրենց և իրենց որդիների դոյութիւնը, վայելել իրենց վաստակը՝ միահամուռ ջանքով ծաղկեցրած Հայրենիքում։

Մեր վերադարձող եղբայրների սիրակարօտ զգացմունքներին մենք՝ Խ. Հայաստանի Հայերս, կը գիմաւորենք նոյն եղբայրակարօտ զգացմունքներով։ Դաժան ճակատադրով իրարից բաժանւած քոյրեր և եղբայրներ, որ կոռւել ենք զանազան ճակատներում մեր թշնամիների դէմ, մեր ընդհանուր նպատակի համար՝ Հայրենիքի ազատութեան, ազգային և մարդկային միեւնոյն խոհալների, այսօր երկու իրաւատէր Հարազատներ դրկարաց փարւում ենք իրար ազատազրուած Հայրենի տան մէջ։

Սրտագին բարի գալուստ մեր թանկազին հարազատներին։ Աւետիք Խահակեան

ՍՊԱՍՈՒՄ ԵՆՔ ԶԵԶ

Այն օրից երր տաճկական եաթաղանից Հազիւ աղատուած, ձեր սիրտն արիւնով ու ձեր աչքերը արցունքով լցուած Հայրենի տան ծխացող կրակներից փախաք ապաստան որոնելու օտար աստղերի տակ, — սպասում էինք ձեզ։

Կոտորուեցին ձեր Հայրերն ու մայրերը, ձեր Հարազատ քոյրերը, տաճկական Հարէմներին զոհ չդնալու, կամ լսկիրշ սրիկաների ձեռքը չընկնելու Համար Երասխի ալիքներին անձնատուր եղան։ գուք նրանց սրբազան դիակները կոխուելով՝ անցաք, զնացիք օտար Հոքիզոններ։ Քառորդ դար մոռացութեան անդունդը զլորուեց։ բայց դուք շմոռացաք ձեր երկիրը, ձեր մարմնական վէրքերը բուժուեցին, բայց ձեր ողին չըռուժուեց, դուք միշտ լիշում էիք Հայրենի երկիրը։ Եւ այն միջոցին, երբ դործարանների մրոտ ծխի ու Հրավառ վառարանի առաջ չարչարուում էիք, Հայրենի տան կարօտն էլ ձեր սիրտն էր այրում։

Շնորհիւ մէծ Ստալինի մեր ու ձեր սրտի իղձը կատարուեց։ դուք իրաւունք եւ արտօնութիւն ստացաք Հայրենիք զառնալու։

Մեր սրտերը յոյզերով, մեր աչքերը լոյսերով, մեր հողիները անձկալի կարօտով ու մեր ձեռքերը ծաղկի պատկներով լցուած, սպասում ենք ձեզ։

Հ. Անառեան

ՍԻՐՈՎ ԵՒ ԳՐԿԱԲԱՑ ԿԸՆԴՈՒՆԵՆՔ

Արտասահմանից Հայերի Խ. Հայաստան վերադառնալու մասին ՍՍՌՄ ժողովրդական գործադարների խորհրդի որոշումը մեր կառավարութեան այս արդար որոշումը։ Խորհրդային կառավարութիւնը այս որոշումով Հնարաւորութիւն է ստեղծում դարերով Հալածուած, տարադիր ու բնաւեր դարձած Հայերին վերադառնալու իրենց Հայրենիքը, միանալու Խ. Հայաստանի իր եղբայրներին, մասնակից դառնալու խաղաղ, շինարար, աղատ ստեղծագործ աշխատանքի, ապրելու, դործելու իր խակ Հայրենիքում։ Խ. Հայաստանում։ Նրանք Հնարաւորութիւն կը ստանան ստեղծելու նոր համարդկային աւելի մեծ արժէքներ։

Մրտանց ողջունում ենք մեր կառավարութեան այս որոշումը։ Խորհրդային կառավարութիւնը, ինչպէս միշտ, այս հարցում եւս ցուցաբերից իր մարդասիրական վերաբերմունքը։

Այսօր, այս որոշումով արտասահմանի Հայերը, մեր արիւնակիցներն ու Հայրենակիցները Հնարաւորութիւն են ստանում վերադառնալու Հայաստան, այս որոշումով տարադիր Հայ ժողովրդի երազած իղձերի կատարման սկիզբն է դըրւում։

ՄԵՆՔ ՊՐԿԱՐԱԳ ՈՒ ՍԻՐՈՎ Լ'ՐՆԴՈՒՆԵՆՔ ԱՐՄԱՆԱԿԱՆԻ մեր եղբայրներին։ Մարտիրոս Սարեան